

ԱՐՁԱՆԱԳՐՈՒԹՅՈՒՆ 1.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության ամբիոնի 2021թ. օգոստոսի 31-ի առերես նիստի

Օրակարգ

1. 2021 – 2022 ուսումնական տարվա մեկնարկի մասին

/Ձեկուցող՝ մ.գ.թ. դոցենտ Թերեզա Ազատյան/

2. Ընթացիք հարցեր

1. Ամբիոնի վարիչ մ.գ.թ. դոցենտ Թերեզա Ազատյանը նախքան նիստի սկսելը ողջունեց ամբիոնի պրոֆեսորադասախոսական կազմին, մաղթեց հաջող ուսումնական գործունեություն: Կապված 2021 – 2022 ուսումնական տարվա մեկնարկի հետ, նշվեց, որ դասերը կազմակերպվելու են հիբրիդային ձևաչափով, համապատասխանաբար կազմվել է դասացուցակը, ամբիոնի մասնագետի կողմից google classroom հարթակում ստեղծվել են բոլոր class-երը, ներկա պահին իրականացվում են դասախոսների և ուսանողների կցման աշխատանքներ: Կարևորվեց նաև սեղմ ժամանակահատվածում յուրաքանչյուր դասախոսի կողմից դասընթացների համապատասխան ԱՈՒՄՓ-երի, թեմատիկ տրոհումների, ընթացիկ ստուգումների հարցաշարերի և քննական հարցաշարերի տեղադրումը: Կարևորվեց նաև մագիստրատուրա կրթական ծրագրի կուրսերի, բակալավր հեռակա կրթական ծրագրերի ձևավորման ուղղությամբ դասախոսների կողմից իրազեկման, ուղորդման աշխատանքների կազմակերպումն ու իրականացումը, քանի որ դրանով կարող է պայմանավորված լինել նաև դասաժամերի բաշխման աշխատանքները, ծանրաբեռնվածությունն առհասարակ:

Թ. Ազատյանի կողմից կարևորվեց նաև ուսումնական գործընթացի կազմակերպման ընթացքում COVID–19-ի հետ պայմանավորված անվտանգության կանոնների, տարածական հեռավորության պահպանումը:

Թերեզա Ազատյանի կողմից ներկայացվեց և դրվեց քվեարկության ամբիոնի նիստերի ժամանակացույցը և 2021-2022 ուսումնական տարվա աշխատանքային պլանը:

Ամբիոնի նիստի 20 անդամներից նիստին ներկա էին 18-ը, կողմ քվեարկեց 18-ը, դեմ՝ 0, ձեռնպահ՝ 0:

Ընթացիկ հարցեր

- **Լսեցին** – Հատուկ մանկավարժության և հոգեբանության ամբիոնի մանկավարժական գիտությունների դոկտոր, պրոֆեսոր Ռոբերտ Ազարյանի կողմից ներկայացված «Հատուկ մանկավարժական տերմինների բացատրական բառարան»-ի հաստատման հարցը:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Մարինե Մարությանը, Հասմիկ Մկրտչյանը, Լուսինե Բաբայանը:

Որոշեցին – միջնորդել ֆակուլտետի խորհրդին հաստատելու պրոֆեսոր Ռոբերտ Ազարյանի կողմից ներկայացված «Հատուկ մանկավարժական տերմինների բացատրական բառարան»-ը:

Ամբիոնի նիստի 20 անդամներից նիստին ներկա էին 18-ը, կողմ քվեարկեց 18-ը, դեմ՝ 0, ձեռնպահ՝ 0:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 2.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության
ամբիոնի 2021թ. սեպտեմբերի 28-ի առցանց նիստի

<https://meet.google.com/xtu-odux-yxc?authuser=0>

Օրակարգ

1. 2021 -2022 ուս տարվա հեռակա 5-րդ կուրսերի ավարտական աշխատանքների և մագիստրատուրա 1-ին կուրսերի մագիստրոսական թեզերի քննարկում և հաստատում:

/Զեկուցող՝ մ.գ.թ. դոցենտ Թերեզա Ազատյան/

2. Google classroom էլ.հարթակի մշտադիտարկումների մասին

/Զեկուցող՝ դասախոս Մարինա Մկրտչյան/

3. 2021-2022 ուս տարվա ամբիոնի պրոֆերադասախոսական անձնակազմի գիտահետազոտական աշխատանքների մասին

/Զեկուցող՝ մ.գ.թ. դոցենտ Սվետլանա Մուրադյան/

4. Ընթացիք հարցեր

1. Ամբիոնի վարիչ մ.գ.թ. դոցենտ Թերեզա Ազատյանը ներկայացրեց 2021 - 2022 ուսումնական տարվա հեռակա 5-րդ կուրսերի ավարտական աշխատանքների և մագիստրատուրա 1-ին կուրսերի մագիստրոսական թեզերի կատարման ընթացքը: Համաձայն որի ընդգծվեց, որ սահմանված ժամկետում ծանրաբեռնվածության համաձայն բոլոր ղեկավարները ամբիոն են ներկայացրել ավարտական աշխատանքների և մագիստրոսական թեզերի թեմաները: Ներկայացված թեմաները

հասանելի են եղել ամբիոնի պրոֆեսորադասախոսական անձնակազմի բոլոր ներկայացուցիչներին և քննարկվել են համատեղ: Մագիստրոսական թեզերի և ավարտական աշխատանքների թեմաների վերջնական վերանայված և համալրված տարբերակները ներկայացվել են ֆակուլտետի խորհուրդի հաստատմանը:

Մագիստրատուրա 1-ին կուրսերում բաշխումն իրականացվել է մասնագիտություններում ըստ ուսանողների նախնական թվակազմի, որը ևս անհրաժեշտ կլինի վերանայելու:

Թ. Ազատյանն այս համատեքստում կարևորեց հանրության շրջանում մասնագիտական իրազեկմանն ուղղված աշխատանքների հնարավորինս ակտիվ իրականացումը:

Ամբիոնի վարիչ մ.գ.թ. դոցենտ Թերեզա Ազատյանը առաջարկեց հաստատել 2021 - 2022 ուսումնական տարվա հեռակա 5-րդ կուրսերի ավարտական աշխատանքների և մագիստրատուրա 1-ին կուրսերի մագիստրոսական թեզերի թեմաները:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

2. Google classroom էլ.հարթակի մշտադիտարկման արդյունքները ներկայացրեց ամբիոնի դասախոս Մարինա Մկրտչյանը: Մ. Մկրտչյանը նշեց, որ ամբիոնը բավականին հետամուտ է կազմակերպվող աշխատանքներին, ըստ ժամանակացույցի ներկայացված պահանջներին: Ընդգծվեց նաև, որ հաշվետու ժամանակահատվածում ամբիոնի պրոֆեսորադասախոսական անձնակազմի կողմից հարթակներում տեղադրվել են ԱՌԻՄՓ-ները, առարկայական տրոհումները, միջանկյալ ստուգումների և քննությունների հարցաշարերը:

Կարևորվեց յուրաքանչյուր դասի տիրույթում համապատասխան գրառումների, օրվա թեմայի, սքրին շոթերի տեղադրումը, որը նույնպես կփաստի դասի լիիրավ իրականացման մասին: Ընդգծվեց նաև թեմա տիրույթում համապատասխան թեմայի ամբողջական անվանման տեղադրումը:

Որպես խնդրահարույց դեպք ընդգծվեց առանձին դեպքերում հին ձևաչափերով թափեփների առկայությունը, ամսաթվերի անհամապատասխանությունը, որը անհրաժեշտ է պարտադիր վերանայել:

3. Ամբիոնի մ.գ.թ. դոցենտ Սվետլանա Մուրադյանը ներկայացրեց 2021-2022 ուստարվա ամբիոնի պրոֆեսորասախոսական անձնակազմի գիտահետազոտական աշխատանքների ընթացքը: Ընդգծվեց, որ հաշվետու ուստարվա ընթացքում ֆակուլտետի պրոֆեսորասախոսական անձնակազմի կողմից հրատարակվել է թվով 28 գիտական հոդվածներ ցիտվող պարբերականներում, որից 14-ը հատուկ մանկավարժության և հոգեբանության ամբիոնի կողմից և 14-ը լոգոպեդիայի և վերականգնողական թերապիայի ամբիոնի կողմից: Գիտական հոդվածները հիմնականում տպագրվել են РИИЦ , Elibrary, Google Scholar, Index Copernicus, CrossRef ցիտվող պարբերականներում: Ֆակուլտետի պրոֆեսորասախոսական անձնակազմն իր ակտիվ մասնակցությունն է ունեցել մի շարք տեղային և միջազգային գիտական սեմինարների, գիտաժողովների: Իրականացվել է նաև համահեղինակային ուսումնական և ուսումնաօժանդակ ձեռնարկների տպագրումներ: Միննույն ժամանակ ընդգծվեց նաև, որ տպագրված գիտական հոդվածներից 9-ը (7-ը հատուկ մանկավարժության և հոգեբանության ամբիոնի կողմից և 2-ը լոգոպեդիայի և վերականգնողական թերապիայի ամբիոնի կողմից) տպագրվել են ՀՊՄՀ-ի Armenian journal of special education / Scientific methodological journal –ում:

Ս. Մուրադյանն ընդգծեց նաև, որ գիտահետազոտական աշխատանքների թվակազմը հաշվետու ժամանակահատվածում որոշակիորեն զիջում է նախորդ տարվա տպագրումների քանակին, որն էլ իր հերթին պայմանավորված է երկրում տիրող պատերազմական իրավիճակով, ինչպես նաև համաճարակով:

Ընթացիկ հարցեր

- **Լսեցին** – Հատուկ մանկավարժության և հոգեբանության ամբիոնի մանկավարժական գիտությունների թեկնածու Հասմիկ Սարգսյանին միջնորդելու ֆակուլտետի խորհրդին որպես ասիստենտ ներկայացնելու հարցը:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Զաբելլա Զոհրաբյանը, Հասմիկ Մկրտչյանը, Լուսինե Բաբայանը:

Որոշեցին – միջնորդել ֆակուլտետի խորհրդին մ.գ.թ. դոցենտ Հասմիկ Սարգսյանին որպես ասիստենտ ներկայացնելու հարցը:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 3.

Խ. Աբովյանի անվան ՀՊՄՀ-ի Հատուկ մանկավարժության և հոգեբանության

ամբիոնի 2021թ. հոկտեմբերի 29-ի առցանց նիստի

<https://meet.google.com/xtu-odux-yxc?authuser=0>

1. Մագիստրատուրա 2-րդ կուրսի թեզերի կատարման ընթացքի մասին

/Զեկուցողներ՝ ամբիոնի՝ մագիստրոսական թեզերի գիտական ղեկավարներ/

2. Պրակտիկայի ընթացքի մասին

/Զեկուցող՝ մ.գ.թ. դոցենտ Վերա Մարուքյան/

3. Ընթացիք հարցեր

1. Ամբիոնի վարիչ մանկավարժական գիտությունների թեկնածու, դոցենտ Թերեզա Ազատյանը ներկայացնելով օրակարգի հարցերը՝ առաջարկեց գիտական ղեկավարներին ներկայացնելու մագիստրատուրա 2-րդ կուրսի թեզերի կատարման ընթացքը: Միննույն ժամանակ Թ. Ազատյանը հորդորեց բոլոր գիտական ղեկավարներին զեկույցում հասկապես ընդգծել խնդրահարույց դեպքերը, առկա խոչընդոտները: Թ. Ազատյանը կարևորեց նաև համապատասխան հաշվետվությունների, ինչպես նաև խնդրահարույց դեպքերի առկայության պայմաններում նաև զեկուցագրերի գրավոր ներկայացնելու անհրաժեշտությունը: Գրեթե բոլոր գիտական ղեկավարները որպես խնդրահարույց դեպք ընդգծեցին կրթական հաստատությունների առցանց և առերես ձևաչափով աշխատանքների հերթափոխումն ու կազմակերպումը, ինչպես նաև մագիստրոսների առցանց ուսումնական աշխատանքների կազմակերպումը:

Ամբիոնի վարիչ Թերեզա Ազատյանի ելույթին հաջորդեցին գիտական ղեկավարները: Համաձայն որի յուրաքանչյուր գիտական ղեկավար հիմնավոր ներկայացրեց մագիստրատուրա 2-րդ կուրսի թեզերի կատարման ընթացքը, հաշվետու ժամանակահատվածում ծավալվող

աշխատանքները, առկա խնդիրներն ու հնարավորությունները: Այսպիսով, ընդհանրացնելով ստացված տեղեկությունները, կարելի է ասել, որ չնայած առկա խնդրահարույց դեպքերի, այնուամենայնիվ աշխատանքները կարելի է գնահատել գոհացուցիչ:

2. Պրակտիկայի ընթացքը ներկայացրեց ամբիոնի պրակտիկայի պատասխանատու, մանկավարժական գիտությունների թեկնածու, դոցենտ Վերա Մարուքյանը: Մագիստրատուրա 2-րդ կուրսի պրակտիկայի կազմակերպման գործընթացում Վ. Մարուքյանը կարևորեց մագիստրոսների ակտիվ ընդգրկվածությունը կազմակերպվող աշխատանքներում: Ընդգծվեց, որ պրակտիկայի համար ստեղծվել են համապատասխան պանակներ, բոլոր մագիստրոսները և գիտական ղեկավարները կցվել են էլեկտրոնային հարթակներին: Ընդգծվեց, որ բոլոր ուսանողները հնարավորություն ունեն նախնական պայմանավորվածության համաձայն կցվելու այլ հարթակներին և մասնակցելու այլ դասերի: Վ. Մարուքյանը ընդգծեց նաև, որ մագիստրոսները կարող են նաև յուրովի մասնակցություն ունենալ միջանկյալ ստուգման շաբաթին:

Այնուհետև Վ. Մարուքյանը ընդգծեց, որ հաշվետու ժամանակահատվածում իրենց շարունակական մանկավարժական պրակտիկան են անցնում երրորդ կուրսի ուսանողները: Համապատասխան ժամանակահատվածում ամբիոնի մասնագետի կողմից ուսանողների համար ստեղծվել են էլեկտրոնային պանակներ, կցվել են բոլոր ուսանողներն ու պրակտիկայի ղեկավարները, մեթոդիստները: Ուսանողները ակտիվ մասնակցում են կազմակերպվող աշխատանքներին, ստանում են հանձնարարություններ, ղեկավարների կողմից: Ընդհանուր առմամբ իրավիճակը գնահատվեց գոհացուցիչ, խնդրահարույց դեպքեր չառանձնացվեցին:

3. Ընթացիկ հարցեր

- Թերեզա Ազատյանը կարևորեց ամբիոնի պրոֆեսորադասախոսական անձնակազմի ակտիվ մասնակցությունը կազմակերպվող աշխատանքներին, միջոցառումներին: Միննույն ժամանակ կարևորվեց նաև բուհի 100 ամյակին ընդառաջ ֆակուլտետի կողմից կազմակերպվող միջոցառումներում ամբիոնի ակտիվ ընդգրկվածությունն ու մասնակցությունը: Համաձայն որի ֆակուլտետը ներկայացրել է նախատեսվող միջոցառումների ցանկ /կից ֆայլում/: Կազմակերպվող աշխատանքներն առավել լիիրավ իրականացնելու համար ֆակուլտետում պետք է ձևավորվի կազմ կոմիտե ամբիոնի վարիչների, դեկանի, գիտության և միջազգային համագործակցության հարցերով դեկանի տեղակալի անմիջական

մասնակցությամբ: Միննույն ժամանակ ամբիոնից որպես թեկնածուներ առաջարկվեցին մ.գ.թ. դոցենտ Սուսաննա Մուրադյանը և մ.գ.թ. Հասմիկ Մարգարյանը:

Ամբիոնի նիստի 20 անդամներից նիստին ներկա էին 19-ը, կողմ քվեարկեց 19-ը, դեմ՝ 0, ձեռնպահ՝ 0:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 4.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության
ամբիոնի 2021թ. նոյեմբերի 26-ի առցանց նիստի
<https://meet.google.com/xtu-odux-yxc?authuser=0>

Օրակարգ

1. Առարկայական նկարագրերի բովանդակային վերանայման արդյունքների քննարկում, ամփոփում:

/Զեկուցողներ՝ Հանձնաժողովի արդամներ/

2. ՀՊՄՊ 100-ամյակի միջոցառումների մասին:

/Զեկուցող՝ Սվետլանա Մուրադյան/

3. Ընթացիկ հարցեր

1. Ամբիոնի վարիչ Թերեզա Ազատյանը ողջունեց ամբիոնի պրոֆեսորադասախոսական կազմին և, անդրադառնալով օրակարգի առաջին հարցին, հիշեցրեց, որ դեռևս հոկտեմբեր ամսին որոշում է կայացվել վերանայել առարկայական նկարագրերի, ուսումնական փաթեթների ու տրոհումների բովանդակային մասը: Համաձայն որի ամբիոնի վարիչի հանձնարարականով ամբիոնի պրոֆեսորադասախոսական անձնակազմից ընտրվել և կազմվել է աշխատանքային խումբ, հստակեցվել է վերջնաժամկետ ներկայացված գործընթացն իրականացնելու նպատակով: Թ. Ազատյանը նշեց, որ խմբի անդամների կողմից կատարվել է համապատասխան աշխատանքը, ամբիոն է ներկայացվել գրավոր հաշվետվություններ,

իսկ ներկաներին առաջարկվեց հակիրճ և ամփոփ ներկայացնել կատարված աշխատանքները, առկա թերությունները և դրական կողմերը:

Աշխատանքային խմբի անդամների կողմից հիմնականում կարևորվեց դասախոսական նյութերի բովանդակային ճշգրիտ ընտրությունը և համապատասխանությունը, դասախոսական նյութերում ժամանակակից մեթոդների կարևորումը և ներկայացումը, ուսանողների կոմպետենցիաների շեշտադրումը:

Հատկապես որպես խնդրահարույց որոշ դեպքեր առանձնացվեցին առարկայական նկարագրերում և դասախոսական նյութերում թեմաների վերնագրերի որոշակի բառային անհամապատասխանություններ, առանձնացվեցին և կարևորվեցին որոշ դեպքերում առարկայական նկարագրերում բաղադրիչների որոշակի վերանայման անհրաժեշտություն: Միևնույն ժամանակ պրոֆեսորադասախոսական կազմի կողմից կարևորվեց առարկայի շրջանակներում դասավանդվող թեմաների հաջորդական կապի հնարավորինս պահպանումը:

Ամբիոնի վարիչ Թերեզա Ազատյանը դեկտեմբերի երեքը սահմանելով որպես վերջնաժամկետ առաջարկեց դասախոսական կազմին հաշվի առնելով կատարված դիտարկումները առավել հետևողական լինել և վերանայել առարկայական նկարագրերի, ուսումնական փաթեթների ու տրոհումների բովանդակային մասը:

2. Սվետլանա Մուրադյանը անդրադառնալով օրակարգի երկրորդ հարցին կարևորեց ՀՊՄՀ-ի 100-ամյակին նվիրված միջոցառումների հավուր պատշաճ կազմակերպման և իրականացման անհրաժեշտությունը: Ս. Մուրադյանը ընդգծեց ֆակուլտետի, համապատասխան ամբիոնների կողմից արդեն իսկ հստակեցված և ներկայացված միջոցառումների ցանկը, որոնք իրենց մեջ ներառում են տեղային և միջազգային գիտագործնական գիտաժողովներ, սեմինարներ, կլոր սեղան քննարկումներ, ֆլեշ-մոբեր, բաց դասեր և այլն: Կարևորեց ամբիոնի պրոֆեսորադասախոսական կազմի ակտիվ մասնակցությունը և նախաձեռնողականությունը կազմակերպվող աշխատանքներում: Միևնույն ժամանակ նշվեց, որ ՀՊՄՀ-ի 100-ամյակին ընդառաջ ֆակուլտետից պահանջվել է ներկայացնել

պատի օրացույցի մշակման համատեքստում ֆակուլտետի էջի ձևավորումը, որը ֆակուլտետի դեկանի և ամբիոնի վարիչների հետ համատեղ քննարկման արդյունքում մշակվել և արդեն իսկ ներկայացվել է պատասխանատուներին: Ընդգծվեց նաև, որ նախատեսվել է ՀՊՄՀ-ի 100-ամյակի կապակցությամբ ձևավորել և հրատարակել ֆակուլտետի պատմաժամանակագրական ձեռնարկ, որի աշխատանքների կոորդինացման համատեքստում ֆակուլտետի երկու ամբիոնների պրոֆեսորադասախոսական կազմից ընտրվել և կազմվել է աշխատանքային խումբ: Նախատեսվող աշխատանքները քննարկվել են խմբի անդամների հետ համատեղ հանդիպման ժամանակ, հստակեցվել և պլանավորվել են աշխատանքները, սահմանվել է վերջնաժամկետ նյութերի ամբողջացման հետ կապված: Մինևույն ժամանակ յուրովի կարևորվեց ՀՊՄՀ-ի թանգարանում հատուկ և ներառական կրթության ֆակուլտետին հատկացված գիտական աշխատանքների ցուցափեղկի վերանայումը և արժևոր տեղեկատվությամբ, գիտամեթոդական գրականությամբ թարմացումը, արխիվային նյութերի վերանայումը, ինչպես նաև ֆակուլտետի մասին պատմող տեսասահիկի մշակումն ու տրամադրումը:

Ընթացիկ հարցեր

1. **Լսեցին** – Հանրապետական մանկավարժահոգեբանական կենտրոնի կողմից ստորև ներկայացված մեթոդական ուղեցույց ձեռնարկների ֆակուլտետի խորհրդին միջնորդելու հաստատելու հարցը.

<<Արդյունավետ հարմարեցումներ: Որակյալ կրթություն>> մանկավարժների համար նախատեսված մեթոդական ուղեցույց ձեռնարկ,

<<Ուսուցչի օգնականի ձեռնարկ>> մեթոդական ուղեցույց,

<<Ուսումնական նյութերի հարմարեցումներ: <<Մայրենի 1>> և <<Մաթեմատիկա 1>> աշխատանքային գիրք-տետրերի>> մեթոդական ուղեցույց:

Արտահայտվեցին – մ.գ.թ. դոցենտներ՝ Թերեզա Ազատյանը, Զաբելլա Զոհրաբյանը, Մուսաննա Մուրադյանը, Սվետլանա Մուրադյանը:

Որոշեցին – ֆակուլտետի խորհրդին միջնորդել հաստատելու Հանրապետական մանկավարժահոգեբանական կենտրոնի կողմից ներկայացված մեթոդական ուղեցույց ձեռնարկները:

Ամբիոնի նիստի 20 անդամներից նիստին ներկա էին 17-ը, կողմ քվեարկեց 17-ը, դեմ՝ 0, ձեռնպահ՝ 0:

2. **Լսեցին** – Հատուկ մանկավարժության և հոգեբանության ամբիոնի հոգեբանական գիտությունների թեկնածու Լիլիթ Կարապետյանին միջնորդելու ֆակուլտետի խորհրդին որպես ասիստենտ ներկայացնելու հարցը:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Զաբելլա Զոհրաբյանը, Հասմիկ Մկրտչյանը:

Որոշեցին – միջնորդել ֆակուլտետի խորհրդին հ.գ.թ. Լիլիթ Կարապետյանին որպես ասիստենտ ներկայացնելու հարցը:

Ամբիոնի նիստի 20 անդամներից նիստին ներկա էին 17-ը, կողմ քվեարկեց 17-ը, դեմ՝ 0, ձեռնպահ՝ 0:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 5.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության
ամբիոնի 2021թ. դեկտեմբերի 7-ի առցանց նիստի

<https://meet.google.com/xtu-odux-yxc?authuser=0>

Օրակարգ

1. Ամբիոնի հայցորդների ատեստավորում:

/Ամբիոնի հայցորդներ/

2. Պրակտիկայի կազմակերպման քննարկում:

/Վերա Մարություն/

1. **Լսեցին** – ամբիոնի հայցորդ Անուշ Հարութի Ասլանյանի «Զարգացման բազմակի խանգարումներ ունեցող երեխաների հետ աշխատող ուսուցիչների մանկավարժական աջակցության մոդելավորումը» թեմայով ատենախոսության ատեստավորման հարցը /գիտական ղեկավար մ.գ.թ. դոցենտ Թերեզա Ազատյան/:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Մարինե Մարությունը, Ինեսա Հարությունյանը, Լիլիթ Սարատիկյանը:

Որոշեցին – ատեստավորել ամբիոնի հայցորդ Անուշ Հարութի Ասլանյանին:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

2. **Լսեցին** – ամբիոնի հայցորդ Սիփան Արամայիսի Ասատրյանի «Զտեսնող դպրոցականների լսողական ընկալման զարգացման մանկավարժական պայմանները» թեմայով ատենախոսության ատեստավորման հարցը /գիտական ղեկավար մ.գ.դ. պրոֆեսոր Ռոբերտ Ազարյան/:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Սվետլանա Մուրադյանը, Ալինա Մանուկյանը, Կիմ Սարուխանյանը, Արաքսյա Սվազյանը:

Որոշեցին – ատեստավորել ամբիոնի հայցորդ Սիփան Արամայիսի Ասատրյանին:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

3. **Լսեցին** – ամբիոնի հայցորդ Անի Շահբազյանի «Ասպերգերի համախտանիշ ունեցող երեխաների հետ իրականացվող աշխատանքների կազմակերպման մանկավարժական պայմանները» թեմայով ատենախոսության ատեստավորման հարցը /գիտական ղեկավար մ.գ.թ. դոցենտ Արաքսյա Սվազյան/:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Մուսաննա Մուրադյանը, Կիմ Սարուխանյանը:

Որոշեցին – ատեստավորել ամբիոնի հայցորդ Անի Շահբազյանին:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

4. **Լսեցին** – ամբիոնի հայցորդ Հայկուհի Ադամյանի «Սովորողի կրթական կարիքի գնահատումը որպես անհատական ուսուցման պլանավորման կարևորագույն նախապայման» թեմայով ատենախոսության ատեստավորման հարցը /գիտական ղեկավար մ.գ.թ. դոցենտ Արաքսյա Սվազյան/:

Արտահայտվեցին – մանկավարժական գիտությունների թեկնածու, դոցենտներ՝ Թերեզա Ազատյանը, Զաբելլա Զոհրաբյանը, Անահիտ Մանուկյանը:

Որոշեցին – ատեստավորել ամբիոնի հայցորդ Հայկուհի Ադամյանին:

2. Ամբիոնի պրակտիկայի պատասխանատու Վերա Մարուքյանը կարևորելով պրակտիկայի կազմակերպման գործընթացը ևս մեկ անգամ կարևորեց թե՛ ուսանողների, թե՛ դասախոսական կազմի, թե՛ համապատասխան հաստատությունների անձնակազմի համար պրակտիկայի կազմակերպման ընթացքում հարմարավետության և միաժամանակ արդյունավետության ապահովումը: Վ. Մարուքյանը նշեց, որ ուսանողների կողմից բազմիցս հնչում են տարբեր կարծիքներ, ոմանք կարծում են, որ առցանց տարբերակը հարմարավետ է, իսկ մյուսները հակառակը: Հետևաբար Վ. Մարուքյանը հորդորեց դասախոսական կազմից ներկայացնել առավել օպտիմալ առաջարկներ, կարծիքներ, որոնք կլինեն ի նպաստ պրակտիկայի կազմակերպման արդյունավետության ապահովման:

Մինևույն հարցի շրջանակներում ամբիոնի մ.գ.թ. դոցենտ Ինեսա Հարությունյանի կողմից առաջարկվեց պրակտիկայի կազմակերպման ընթացքում կարևորել և հստակ ընդգծված ուսանողներին առաջադրել կատարելու որոշակի աշխատանք, որն իր հերթին յուրովի կնպաստի ուսանողի կողմից առավել պատասխանատու կերպով աշխատանքի կատրման, որն էլ իր հերթին կլինի առավել կիրառական: Առաջարկվեց նաև պրակտիկայի կազմակերպման ընթացքում, օրինակ, ի սկզբանե յուրաքանչյուր ուսանողի կցել մեկ երեխայի և ողջ ընթացքում աշխատանքները ծավալվեն համապատասխան երեխայի հետ, որն էլ կներկայացվի հաշվետվության ձևով:

Ամբիոնի մ.գ.թ. դոցենտ Արաքսյա Սվաջյանի կողմից ամեն պարագայում կարևորվեց պրակտիկայի առերես կազմակերպման ձևաչափը, որի հետ կապված հորդորվեց հաստատությունների, այդ թվում նաև ներառական ուսումնական հաստատությունների ընտրության հարցում առաջնորդվել հենց այդ տեսանկյունից և այդ սկզբունքով: Պրակտիկայի հաստատությունների ընտրության հարցում հատուկ շեշտադրվեց և կարևորվեց ներառական ուսումնական հաստատությունների դերը և լիիրավ ընդգրկելու կարևորությունն ու անհրաժեշտությունը:

Գարծրնկերների կարծիքը կիսեց նաև ամբիոնի մ.գ.թ. դոցենտ Լիլիթ Սարատիկյանը՝ կարևորելով պրակտիկայի առերես կազմակերպման անհրաժեշտությունը:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 6.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության
ամբիոնի 2021թ. դեկտեմբերի 27-ի առեւս նիստի

Օրակարգ

1. Մագիստրատուրայի առաջին և երկրորդ կուրսերի մագիստրոսական թեզերի
և հեռակա 5-րդ կուրսի ավարտական աշխատանքների կատարման մասին:

/Ձեկուցողներ՝ աշխատանքների գիտական ղեկավարներ/

2. 2021-2022 ուստարվա ձմեռային քննաշրջանի
նախապատրաստական աշխատանքների մասին:

/Ձեկուցող՝ մ.գ.թ. դոցենտ Թերեզա Ազատյան/

3. Ընթացիկ հարցեր

1. Մագիստրատուրայի առաջին և երկրորդ կուրսերի մագիստրոսական
թեզերի և հեռակա 5-րդ կուրսի ավարտական աշխատանքների կատարման մասին
զեկուցեցին գիտական ղեկավարները, ինչպես նաև ամբիոնի վարիչի հրահանգով
ամբիոն ներկայացրեցին նաև հաշվետվությունների թղթային տարբերակները:
Յուրաքանչյուր գիտական ղեկավար ներկայացրեց հաշվետու ժամանակահատվածում
կատարված աշխատանքների ընթացքը, առկա խնդիրները:

Համաձայն ստացված հաշվետվությունների և զեկույցների յուրաքանչյուր
գիտական ղեկավար, անկախ ուսումնական գործընթացի առցանց և առերես ձևաչափով
կազմակերպման հերթագայման, մշտապես կապ է պահում համապատասխան
ուսանողների հետ: Ստացված տեղեկատվության ընդհանրացման արդյունքում
խնդրահարույց դեպքեր չեն գրանցվել, բոլորն էլ աշխատում են իրենց
հնարավորությունների շրջանակներում:

Ամբիոնի վարիչ Թ. Ազատյանն առաջարկեց ստացված արդյունքները համարել գոհացուցիչ:

Ամբիոնի նիստի 20 անդամներից նիստին ներկա էին-ը, կողմ քվեարկեց-ը, դեմ՝ 0, ձեռնպահ՝ 0:

2. 2021-2022 ուստարվա ձմեռային քննաշրջանի նախապատրաստական աշխատանքների մասին զեկուցեց ամբիոնի վարիչ Թերեզա Ազատյանը: Ամբիոնի պրոֆեսորադասախոսական անձնակազմի կողմից ամբիոնի վարիչ Թերեզա Ազատյանի գլխավորությամբ հաստատվեցին քննաշրջանի քննական տոմսերը: Թերեզա Ազատյանը նշեց, որ համաձայն նախնական տեղեկատվության քննաշրջանը մեկնարկելու է ս.թ. հունվարի 12-ից առերես ձևաչափով և քննության գրաֆիկները կուղարկվեն ամբիոնի բոլոր դասախոսներին:

Ամբիոնի վարիչ Թերեզա Ազատյանը ընդգծեց նաև, որ բակալավր կրթական ծրագրի հեռակայի դասերը մեկնարկելու է հունվարի 10-ից, մինչդեռ աշխատանքային գործունեությունը մեկնարկելու է հունվարի 3-ից: Ըստ նախապես ներկայացված ժամանակացույցի մշակվել և ներկայացվել է պրակտիկայի պաշտպանությունների գրաֆիկը: Թերեզա Ազատյանը հորդորեց պրակտիկայի պաշտպանությունների ընթացքում հանձնաժողովի անդամներին, ինչպես նաև պրակտիկայի ղեկավարներին, մեթոդիստներին լինել հնարավորինս օբյեկտիվ և հետևողական:

Ամբիոնի պրոֆեսորադասախոսական անձնակազմին ամբիոնի վարիչը խնդրեց ամենայն պատասխանատվությամբ մոտենալ միջանկյալ ստուգումներին, համաձայն որի պահպանել առերես և առցանց ձևաչափերը, զերծ մնալ փոփոխություններից, պահպանել օբյեկտիվությունը:

Ընթացիկ հարցեր

1. Քննարկվեց և վերլուծվեց ՀՊՄՀ-ի 100-ամյակին նվիրված ֆակուլտետի գործառույթները, կատարված և նախագծված աշխատանքները: Կարևորվեց այդ

համատեքստում ամբիոնի պրոֆեսորադասախոսական անձնակազմի ակտիվ
մասնակցությունը:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 7.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության ամբիոնի 2022թ. մարտի 30-ի առերես նիստի

Օրակարգ

1. Մագիստրատուրա 2-րդ կուրսերի, մագիստրոսական թեզերի, հեռակա 5-րդ կուրսերի ավարտական աշխատանքների ընթացքի քննարկում, նախապաշտպանության գրաֆիկի հաստատում:

/Ձեկուցող՝ մ.գ.թ. դոցենտ Թերեզա Ազատյան, գիտական ղեկավարներ/

2. Պրակտիկայի քննարկում /մագիստրատուրա 1-ին կուրս, բակալավր 3-րդ կուրս/

/Ձեկուցող՝

մանկավարժական գիտությունների թեկնածու, դոցենտներ Վերա Մարտիրոսյան/

3. Ընթացիք հարցեր

1. Մագիստրոսական թեզերի կատարման ընթացքի մասին զեկուցեցին գիտական ղեկավարները, համաձայն որի յուրաքանչյուր գիտական ղեկավարի կողմից մանրամասնորեն ներկայացվեց մագիստրոսական թեզերի կատարման ընթացքը, առկա խնդրահարույց դեպքերը, հնարավոր լուծման տարբերակները: Միևնույն ժամանակ ընդգծվեց և կարևորվեց մագիստրոսների կողմից թեզերում հետազոտական բաղադրիչի ապահովման կարևորությունը: Մագիստրոսական թեզերի գիտական ղեկավարների կողմից որպես խնդրահարույց դեպք առանձնահատուկ շեշտադրվեց առցանց աշխատելու փաստը, որը յուրովի սահմանափակում է մագիստրոսների հետ առերես հանդիպումների հաճախականությունը:

Հատուկ մանկավարժության և հոգեբանության ամբիոնի վարիչ Թերեզա Ազատյանի կողմից առանձնակի կարևորվեց և շեշտադրվեց մագիստրոսների ինքնուրույնության բաղադրիչի, հետևողական աշխատանքների, բովանդակության և մագիստրոսական թեզերի թեմաների վերնագրերի համապատասխանության կազմակերպումն ու ապահովումը:

2. Մագիստրատուրա 1-ին, բակալավր 3-րդ կուրսերի պրակտիկայի հարցը ներկայացրեց հատուկ մանկավարժության և հոգեբանության ամբիոնի պրակտիկայի պատասխանատու մ.գ.թ. դոցենտ Վերա Մարուքյանը: Վ. Մարուքյանը ընդգծեց, որ ավարտվել է մագիստրոսի կրթական ծրագրի պրակտիկան, համաձայն որի բոլոր մագիստրոսներն իրենց պրչակտիկան անցկացրել են գիտական ղեկավարների անմիջական վերահսկողության պայմաններում: Ըստ կարգի բոլորի համար նախապես ստեղծված են եղել էլեկտրոնային հարթակները, կցվել են և՛ գիտական ղեկավարները, և՛ մագիստրոսները: Բոլոր մագիստրոսները նախապես հստակեցրել են իրենց շաբաթական բեռնվածությունը և ըստ այդմ իրականացրել են կիրենց պրակտիկան: Խնդրահարույց դեպքեր որպես կանոն չեն արձանագրվել, պրակտիկան ընթացել է բնականոն հունով:

Մինևույն ժամանակ Վ. Մարուքյանը նշեց, որ բակալավր կրթական ծրագրի օլիգոֆրենոմանկավարժություն և սուրդոմանկավարժություն բաժնի երրորդ կուրսի ուսանողների պրակտիկան ընթանալու է <<Իմ ուղին>> ուսումնավերականգնողական ցերեկային կենտրոնում և <<Փոխօգնության կենտրոն>>-հասարակական կազմակերպությունում: Արդեն իսկ կազմվել են հեռակա բակալավր կրթական ծրագրի ուսանողների պրակտիկաների պաշտպանության ժամանակացույցերը, որը ներկայացվել է պրակտիկայի վարչություն, ինչպես նաև ղեկանատ:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 8.

**Խ. Արուլյանի անվան ՀՊՄՀ-ի Հատուկ մանկավարժության և հոգեբանության
ամբիոնի 2022թ. ապրիլի 22-ի առերես նիստի**

Օրակարգ

1. Մագիստրոսական թեզերի նախնական պաշտպանությունների ընթացքի մասին

*/Զեկուցողներ՝ հատուկ մանկավարժության և հոգեբանության ամբիոնի
մագիստրոսներ/*

Հատուկ մանկավարժության և հոգեբանության ամբիոնն իրականացրել է նախնական պաշտպանություններ ա.թ. ապրիլի 18, 19, 20, 21-ին՝ հատուկ հոգեբանություն, հատուկ մանկավարժություն, օլիգոֆրենոմանկավարժություն, տիֆլոմանկավարժություն, սուրդոմանկավարժություն մասնագիտությունների շրջանակում: Նախնական պաշտպանություններին մասնակցել է ընդհանուր թվով 50 մագիստրոս, համապատասխանաբար, հատուկ հոգեբանություն՝ 13, հատուկ մանկավարժություն՝ 14, օլիգոֆրենոմանկավարժություն՝ 10, տիֆլոմանկավարժություն՝ 5, սուրդոմանկավարժություն՝ 8 մագիստրոս:

Նախնական պաշտպանությունների ընթացքում մագիստրոսներին տրվել է 10-12 րոպե ժամանակ, կարևորվել է հետազոտական բաղադրիչի առկայությունը և համապատասխան վերլուծությունը: Մագիստրոսները ներկայացրել են հետազոտության հիմնական նպատակը, խնդիրները, պաշտպանությանը ներկայացվող հիմնական դրույթները:

Նիստի նախագահ՝

Թերեզա Ագատյան

Նիստի քարտուղար՝

Սվետլանա Մուրադյան

ԱՐՁԱՆԱԳՐՈՒԹՅՈՒՆ 10.

Խ. Արուլյանի անվան ՀՊՄՀ-ի Հատուկ մանկավարժության և հոգեբանության
ամբիոնի 2022թ. հունիսի 22-ի առերես նիստի

Օրակարգ

1. Մագիստրատուրասական թեզերի և ավարտական աշխատանքների պաշտպանության արդյունքների քննարկում, հաստատում:

/Զեկուցող՝ մ.գ.թ. դոցենտ Թերեզա Ազատյան/

2. 2022-2023 ուս տարվա ծավալի և ծանրաբեռնվածության մասին:

/Զեկուցող՝ մ.գ.թ. դոցենտ Թերեզա Ազատյան/

3. Ընթացիք հարցեր:

Ամբիոնի վարիչ Թերեզա Ազատյանը ներկայացրեց ավարտական աշխատանքների և մագիստրոսական թեզերի պաշտպանության արդյունքներ: Համաձայն որի ներկայացվեց յուրաքանչյուր մասնագիտացման համար միջինացված արդյունքները, որտեղ ընդգծվեց, որ բակալավր կրթական ծրագրի առկա ուսուցման համակարգում ամբիոնը չի ունեցել շրջանավարտներ: Մինչդեռ մագիստրոսի կրթական ծրագրում ամբիոնն ունեցել է 50 շրջանավարտ, որից օլիգոֆրենոմանկավարժություն մասնագիտության 10 շրջանավարտ, որտեղ միջին գնահատականը կազմել է 79,30 միավոր, հատուկ մանկավարժություն մասնագիտությունն ավարտել է 14 շրջանավարտ միջին գնահատականը՝ 96,30, սուրդոմանկավարժություն մասնագիտություն՝ 8 շրջանավարտ միջին գնահատականը՝ 92,26, տիֆլոմանկավարժություն մասնագիտության 5 շրջանավարտ, որտեղ միջին գնահատականը կազմել է 94,76 միավոր, հատուկ հոգեբանություն մասնագիտության 13 շրջանավարտ, որտեղ միջին գնահատականը կազմում է 85,16 միավոր: Սակայն հատուկ հոգեբանության

մասնագիտության մագիստրոսի կրթական ծրագրի մեկ ուսանող ստացել է անբավարար գնահատական, որը սպասելի էր, քանի որ ողջ ուստարվա ընթացքում մագիստրոսը ունեցել է դժվարություններ, ղեկավարը զեկուցել է առկա խնդիրների մասին, ղեկավարի կողմից մշտապես կատարվել է խորհրդատվություն, սակայն ապարդյուն:

Ինչ վերաբերում է հեռակա ուսուցման համակարգին, ապա ամբիոնն ունեցել է օլիգոֆրենոմանկավարժության 5 շրջանավարտ, որտեղ միջին գնահատականը կազմում է 87,11 միավոր և տիֆլոմանկավարժության 5 շրջանավարտ, որտեղ միջին գնահատականը կազմում է 89,60 միավոր: Բացի վերը ներկայացվածը ամբիոնն ունեցել է նաև 2 եռատարեցի ուսանողներ, ովքեր քննությունը հանձնել են քննական տոմսերով, գնահատվել են հինգ բալային համակարգով:

Թ. Ազատյանը մասնակիորեն անդրադարձավ նաև պետական քննական հանձնաժողովի նախագահի կողմից կատարված դիտարկումներին, առաջարկություններին, ուժեղ և թույլ կողմերին: Համաձայն որի հատկապես առանձնացրեց և կարևորեց այն, որ ըստ համձնաժողովի նախագահի հանձնաժողովը համալրված է եղել բարեխիղճ, մասնագիտական բարձր պատրաստվածություն ունեցող կազմով, պաշտպանության գործընթացը մշտապես ընթացել է սահուն և առանց խոչընդոտների, բոլոր զեկուցումները ներկայացվել են սահիկաշարերով, կարևորվեց նաև այն հանգամանքը, որ պաշտպանություններին ներկա են եղել ղեկավարների մեծամասնությունը: Ներկայացվեց նաև թույլ կողմերը, համաձայն որի որոշ աշխատանքների նպատակները և խնդիրները ձևակերպված էին ոչ հստակ, որոշ եզրակացություններ կրում էին ընդհանրական բնույթ, առանձին դեպքերում ուսանողները դժվարանում էին մեկնաբանել պարզ հարցեր:

Թերեզա Ազատյանը նշեց նաև հանձնաժողովի նախագահի կողմից կատարված առաջարկությունները, համաձայն որի հատկապես առաջարկվել է հստակեցնել աշխատանքների գլուխների և ենթագլուխների վերնագրերը, եզրակացությունները, նպատակները:

Թերեզա Ազատյանն առաջարկեց մագիստրատրոսական թեզերի և ավարտական աշխատանքների պաշտպանության արդյուքները համարել գոհացուցիչ և հաստատել:

Ամբիոնի նիստի 20 անդամներից նիստին ներկա էին 20-ը, կողմ քվեարկեց 20-ը, դեմ՝ 0, ձեռնպահ՝ 0:

2. Ամբիոնի վարիչ Թերեզա Ազատյանը ներկայացրեց 2022-2023 ուս տարվա ամբիոնի ծավալի և ծանրաբեռնվածության մասին: Համաձայն որի հստակ ընդգծվեց, որ ամբիոնն ունի ժամաքանակի նվազում, որը պայմանավորված է մի շարք խնդիրներով: Վերը ներկայացվածն էլ իր հերթին պայմանավորում է ամբիոնի բոլոր դասախոսների, այդ թվում նաև մրցույթով անցած ընտրված դասախոսների /իրենց դիմումին համաձայն/ դրույքաչափերի փոփոխություն: Ամբիոնն ունի երկու համատեղող աշխատակից, ովքեր կունենան սահմանված դրույքաչափ: Հատկապես առանձնացվեց տիֆլումանկավարժության մասնագիտացումը, որը բավականին խնդրահարույց պատկեր է ներկայացնում գործող կուրսերի առումով, ինչն էլ իր հերթին խնդիր է դառնում ամբիոնի տիֆլումանկավարժների դրույքաչափերի ապահովման հարցում: Թ. Ազատյանը նշեց նաև այն հանգամանքը, որ դրույքաչափերի նվազումը պայմանավորված է ոչ միայն դիմորդների քանակի նվազումով, այլև ավարտական ծանրաբեռնվածությունից ընթերականերին, գրախոսություններին հատկացվող ժամերի բացակայությամբ, ինչպես նաև լոգոպեդիայի և վերականգնողական թերապիայի ամբիոնի կողմից ամբիոնին փոխանցվող ժամերի բացակայությամբ:

Նիստի նախագահ՝

Թերեզա Ազատյան

Նիստի քարտուղար՝

Սվետլանա Մուրադյան

